



Inatsisartunut ilaasortaq Lars Poulsen

Inatsisartut@inatsisartut.gl

**Qaarsuni umiarsualiviliornissaq pillugu § 37 naapertorlugu apeqquteqaammut
2025-008-mut akissut**

Dato: 30-05-2025
Sagsnr.: 2025 - 9653
ID. nr.: 97878441

Asasara Lars Poulsen

Inatsisartut suleriaasianni § 37 naapertorlugu Qaarsuni umiarsualiviliornissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Naalakkersuisut Qaarsuni (Uummannaq) umiarsualiviliortoqarnissaa pilersaarutigaat?

Akissut: Talittarfeqarfiup qanoq issusia peqqutigalugu isumassarsiorfimmik saqqummiussisoqarnissaa pilersaarutigineqarpoq. Tassani talittarfik pioreersoq tamakkiisumik iluarsanneqassanersoq, imaluunniit talittarfimmik nutaamik sananissaq naleqqunnerpaajunersoq misissuiffigineqassaaq.

Erseqqissaatigineqassaaq imartaa ikkattuummat, taamaattumillu talittarfik umiarsuarnut anginerusunut atorneqarsinnaassaguni angingaatsiarnissaa naatsorsuutigineqarmat.

Apeqqut 2. Umiarsuarnik tulaffigineqarsinnaassappat usingiarfigalugu/usilersorfigalugulu qanoq isikkulimmik umiarsualiviliorsinnaanissaq takorloorneqarpa?

Akissut: Apeqqut taanna tamakkiisumik akineqassappat, ajornartorsiutip isumassarsiorfimmi itisilerlugu misissuiffigineqarnissaa pisariaqartussaavoq. Tamatuma saniatigut apeqqut 1-imut akissut takuuk.

Apeqqut 3. Umiarsualivik pioreersoq tallineqassava?

Akissut: Apeqqut 1-imut akissut takuuk.

Apeqqut 4. Umiarsualivimmik nutaamik sapusiamik (soorlu Qaanaammi) aaqqiisoqassava?

Akissut: Apeqqut 1-imut akissut takuuk.

Apeqqut 5. Umiarsualiviliortoqassappat qanoq aningaasatigut naleqassava?

Akissut: Naalakkersuisut maannarpiat nutaamik umiarsualiviliortoqassappat, imaluunniit umiarsualivik pioreersoq allineqassappat aningaasartuutissat pillugit ilisimasaqanngillat.


Apeqquut 6. Suut allat aamma eqqumaffissaappat umiarsualiviliortoqassappat?

Akissut: Umiarsualiviup pioreersup tamakkiisumik iluarsaanneqarnissaa, imaluunniit umiarsualivimmik nutaamik sananissaq suliassaavoq annertooq, tassanilu pissutsit allat, attaveqaasersuutitut pisariaqartunut, pilersuinerup isumannaassusianut, innuttaasut sullinneqarnerannut, atuisinnaanermut aamma inuussutissarsiornermi periarfissanut tunngasunut isumaqartut eqqarsaatigineqartussaapput.

Suliassap pilersuinerup isumannaassusianut inuussutissarsiornermullu annertuumik isumaqarnera peqqutigalugu, suliassap pilersaarusiorteqarnerani isumassarsiorfik suliarilluagaq tunngavigineqartussaavoq. Taamaattumik maannarpiag nutaamik umiarsualiviliortoqassappat, imaluunniit umiarsualivik pioreersoq allineqassappat tamatumunnga atatillugu pissutsit suut eqqarsaatigissallugit pisariaqarnerisut tamakkiisumik takuneqarsinnaanngillat, kisiannili isumassarsiorfimmut ilanngunneqassallutik.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaaluaq B. Egede